



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 14. Sigismundus Poloniæ Rex a Parricida vulneratus.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Sæc. XVII. ad defensionem necessariis, & bello in
A. C. 1620. hostilem Regionem inferendo delibere-
 tur. IV. Instauretur avitum Polono-
 rum cum Silesiis foedus, eo vel maxi-
 me, quia Silesii milites Regias literas
 interceptissent, & in Poloniam præda-
 tum excurrissent. V. De Livonia a
 Suecorum incurſibus vindicanda, nec-
 non an Smolenscum contra Moscovi-
 tas sit defendendum? deliberetur. De-
 nique VI. De sumptibus ad bellum ne-
 cessariis mature prospiciatur.

§. XIV.

Sigismundus Poloniæ Rex a Parricida vulneratus.

Jæger.
Hist. Eccl.
 l. 10. c. 11.
Lotich. rer.
Germ. p. 225.
Brachel. Hist.
 lib. 1.
Piassec. chron.
 p. 404.

Priusquam Sigismundus Rex exteri
 hostis violentia plene defunctus es-
 set, domi præsentaneum vitæ pericu-
 lum ægre eluctatus est; cum enim Mi-
 chael Piecharſius Nobilis Polonus, vel
 ut alii volunt, Ruffus, ob mentis im-
 potentiam quosdam Curatores patri-
 monio suo gubernando a Rege accepif-
 set, id Nobili Polono injuriosum esse
 ratus, ipsa etiam Regis morte vindi-
 ctam sumere statuit. Igitur decima
 quinta Novembris Regem, ad ædem
 sacram magno comitatu euntem, dum
 fors filium suum colloquio cum Pro-
 ceribus detentum præstolatur, in ipso
 Templi

Templi vestibulo e latebris forium repente profiliens priusquam animadvertetur, in caput ferit, læso duntaxat humero, eoquod mitra pellibus suffulta, qua Regis caput tectum erat, ictus impetum fregisset: Hoc viso Parricida ictum summa celeritate repetit, ejusque dexteram maxillam oculum inter & tempora militari sua securi percutit. Rex periculo ac metu conterritus, Jesu nomen inclamat, quod ex Marescallis, qui præibant, audiens non nemo, mox parricidam baculo cædit, velocius autem accurrens cum districto acinace Regis Filius nefarium hunc hominem in terram prostrat, severe inhibens, ne interficeretur. Sparso interim in vulgus rumore, Regem fuisse trucidatum, tam ingens excitabatur tumultus, ut Regina ex Oratorio suo prospiciens, præ consternatione animo deficeret, totaque urbs in mutuas cædes ruere timeretur; unde aucto tumultu duo Præsules ab accurren- te populo protriti fere & conculcati fuere. Nil ergo opportunius erat, quam ut non modo Proceres plebem de vita Regis certam redderent, sed & Rex ipsemet se ei ad fenestram ostenderet. Parricida vero in arcem abductus, ac quæstioni subjectus, nullos hujus criminis socios habuisse, sed solum hoc

Sæc. XVII.

A. C. 1620.

Sæc. XVII. A. C. 1620. nefas concepisse fatebatur, unice con-
 questus, quod Regem vita privare non
 potuisset: Igitur in eum sententia ejus-
 modi pronuntiata est, ut candente ali-
 quoties forcipe concerptus, veniam a
 Deo, Rege & Nobilitate, populoque
 omni peteret, ac demum dextera, di-
 gitisque sinistris mutilatus, quatuor e-
 quis discerperetur, quod etiam suppli-
 cium die vigesima septima Novembris
 subiit, corporis partibus in ignem, &
 cineribus in Vistulam fluvium projectis.
 Ex bonis ejus fisco addictis prædium
 unum Adamus Calenskius obtinuit,
 quia Regem in deliquio cadentem pri-
 mus sublevaverat.

§. XV.

*Petrus Bertius a Calvinismo ad fi-
 dem Catholicam reversus.*

Balduin. *Chron. Mo-* Hoc item anno Petrus Bertius Lug-
ræ. *ræ.* duni Batavorum celeberrimus inter Ar-
Arnoldi hist. *minianos* Professor, desertis Calvini
Hæret. *castris*, in quibus a prima infantia mi-
Weism. Hist. *litaverat*, ad Romanæ Ecclesiæ gre-
Eccl. p. 742. *mium* Parisiis reversus est, habita pu-
Meteran. *blice oratione*, typisque paulopost e-
Hist. Belg. *dita*, in qua suæ mutationis causas
p. 328. l. 41. *succincte exponebat*, quas inter præ-
 cipue illum ad hunc reditum val-
 de commoverat continua Calvinianæ,
 alia-